

SEARVEGOTTI BARGUI BURESSIVDNIDEAPME

Searvegotti bargi ja virgehálldašeadji, gii ii ášahuvvo virgái, sáhtá buressivniduvvot bargui. Bargui buressivdnideame doaimmaha girkohearrá, guhte bivdá doaimmahussii vehkiid. Bargui buressivdnideapme ii guoskka sin, guđet dakkaviđe báhppan, lektorin dahje diakonan vihaheame maŋŋá sirdásit searvegoddái.

Searvegotti báhpa, lektora, kántora, diakona virgehálldašeadji ja nuoraidbargi bargui buressivdnidettiin sáhtá heivvolaš osiid geavahit kapellána virgáiasaheame minstara čuogga 17 (lohpadusat).

Oassálastit bohtet girkui ruossamiedušin. Njunnožis vázzet ruossaguoddi ja ginttalguoddit, maŋimužžan liturga. Buressivdnádusa oažžut leat gárvodan albain (ja stolain).

Dán minstara sáhtá geavahit heivvolaš osiid buressivdnidettiin bargui searvegotti frid-djadáhtolaš bargiid ja luohttámušolbmuid.

I Álggahus

*1. Álggahansálbma

Sálbma 136, 440 dahje miinu girkojagi čuovvu álggahansálmmain. Sálmma sajis lea vejolaš geavahit biibbalsálmma, goarralávлага dahje čuojanasmusihka.

Álgomusihka áigge lea ruossamieduš.

2. Álgosivdnideapme

Buressivdnádusa ja vuorrodearvvahusa lea vejolaš lávlut dahje lohkat.

Buressivdnádus

Nuohtaráidu 1



L Áh - či ja + Bárt - ni ja Bas-si Vuoij-ŋa nam - mii.



S Á - men, á - men, á - men.

Vuorrodearvvahus

Nuohtaráidu 1



L Hear-rá leh - kos din - guin.




S Nu son leh - kos maid-dái du vuoij - ŋain.

DAHJE

Buessivdnádus

Nuohttaráidu 2




L Áh - či ja + Bárt-ni ja Bas - si Vuoig-ŋa nam-mii.



S Á - men, á - men, á - men.

Vuorodearvvahus

Nuohttaráidu 2



L Hear - rá leh - kos din-guin.



S Nu son leh - kos maid - dái du vuoig - ŋain.

3. Álggahansánit ja buessivdnádusa oažžuid ovdanbuktin

Álggahansánit

Liturga ráhkada álggahansániid ieš dahje geavaha čuovvovaš molssaeavttuid.

L Ráhkis kristtalaččat. Kristtalaš searvegoddi lea Ipmila álbmot ja Kristusa rumaš. Dat lea ealli gedggiin huksejuvvon tempel, man čiehkageadgin lea ieš Kristus Jesus. Gásttas mii gohčohalaimet Ipmila bálvaleaddjin. Mii oaččuimet bargun doalvut evangeliuma buot álbmogiidda ja máidnut Ipmila stuorra daguid.

Dasgo mii kristtalaččat leat Kristusa rupmaša lahtut, mii dárbbaišit guhtet guimmiideamet ja mii leat dáppe guhtet guimmiideamet várás. Bassi Vuoigŋa lea addán midjiide sierralágan attáldagaid, vai mii daiguin bálvalivččiimet Ipmila ja lagamuččaideamet.

Buessivdnádusa oažžuid ovdanbuktin

Virgehálldašeaddjiid ja bargiid buessivdnidettiin.

L Odne searvegoddámet váldá vuostái odda – –, gean dat lea gohččon iežas bálvalussii. Son lea ožžon čuovvovaš fápmudusa:

Lohkkojuvvo buessivdnádusa oažžu váldegirji dahje searvegotti doaimmaorgána mearrádus.

Friddjadáhtolaš bargiid buessivdnidettiin.

L NN, NN ja – – lea/leaba/leat váldán vuostái friddjadáhtolaš barggu searvegottisteamet. Mii rohkadallat, ahte Ipmil attášii sutnje/sudnuide/sidjiide dán bargui buessivdnádusas.

Luohttámušolbmuid buessivdnidettiin.

L Luohttámušolbmuide lea oskkilduvvon ovddasvástádus searvegotti doaimmas ja hálldahusas. Odne mii leat váldán vuostái sin, gudet leat ožžon dán luohttámušdoaimma searvegottisteamet. Mii rohkadallat, ahte Ipmil attášii sidjiide dán bargui buessivdnádusas.

4. Oktasaš rihpat

Ávžžuhussánit

Ávžžuhussániid sáhtá ráhkadit maiddái ieš.

Mii leat dán ávvubottus Ipmila muođuid ovddas. Ipmil lea bassi, mii leat suddolaččat. Son lea almmatge lohpidan árpmihit min. Dovddas-tehкот sutnje sudduideamet ja sivalašvuohtamet [ovtta jitnii] ná cealkedettiin:

Suttudovddastus

Suttudovddastusa sáhtá lohkat ovtta jitnii. Dan boddii sáhtá luoitádit čippiid ala. Suttudovddastusa lea vejolaš boatkut searvegotti rohkodajaldagain dahje –lávlagiin, dahje dan gaskkas sáhtá leat jaskes boddu. Suttudovddastusas sáhtá leat maiddái jaskes rohkos, masa lea vejolaš ávžžuhit ovdamearkka dihte: Gula maiddái mu/min jaskes ándagassiiátnuma.

Suttudovddastussan lea vejolaš geavahit maiddái sálmma (omd. 49).

Eará suddudovddastusat Ipmilbálvalusaid girjjis.

Almmálaš Áhčči.

Mun lean gásttašuvvon du mánnán.

Don leat jodihan mu seavdnjadasas čuovgasii,
beastán mu gádohusas almmi árbbolažžan.

In leat almmatge eallán nugo du mánná galgá callit.

In leat guldalan du jiena inge jeagadan du dáhtu.

Ipmil, árpmit mu du Bártni Jesusa Kristusa dihtii.

Basa mu buhtisin ja atte buot mu sudduid ándagassii.

Suttubeastin

Suttubeastima ámena sáhtá lávlut dahje lohkat.

Eará suttubeastimat Ipmilbálvalusaid girjjis.

Ná cealká Hearrá:

”Ale bala, dasgo mun lean du lonistan.

Mun lean du nama mielde gohččon, don leat mu.

Várit gáidoset ja duoddarat doarggistehkoset,

muhto mu ráhkisvuohta dutnje ii rievdda

iige mu ráfilihttu suoibbo.”

S Ámen.

Giittosrohkos

Giittosrohkosa sáhtá lohkat ovttá jitnii.

Eará giittosrohkosat Ipmilbálvalusaid girjjis.

Ipmil, Áhččámet,

mii giitit du das,

ahte Jesus Kristus lea rahpan geainnu du lusa.

Nanne min oskku, lasit doaivvu

ja odasmahte ráhkisvuoda.

S Ámen.

5. Beavvi biibbalsálbma

Sáhtta atnit maddái girkojagi čuovvu dahje apostaliid beavvi biibbalsálbma (Sál 145: 3–7).

Juos álggahansálbma sajis (čuokkis 1) lea geavahuvvon biibbalsálbma, dát čuokkis báhcá eret.

Biibbalsálbma lea vejolaš lávlut dahje lohkat. Dan álggus ja loahpas sáhtta leat antifona.

Biibbalsálbmii laktojuvvo Uhca gudni. Dat guđđojuvvo eret 5. fástoáiggi sotnabeavvi rájes.

Antifona

Bohtos mu baksamiin máidnunlávlla,
dasgo don oahpahat munnje du mearrádusaid.

Sál 119: 172

Biibbalsálbma

Čájet oskkáldasvuoda bálvaleddjásat
ja oahpat munnje du mearrádusaid.

Mun lean du bálvaleddji, atte munnje áddejumi
vai mun dovddašin du láhkabáhkomiid.

Jorgal mu beallái ja leage munnje árbmugas,
nugo don dagat sidjiide geat ráhkistit du nama.

Nanosmahte mu lávkkiid sánát bokte,
ale divtte makkárga vearrivuoda ráđdet mu.

Divtte muoduidat čuovgat bálvaleddjásat,
ja oahpat munnje du mearrádusaid.

Du sátni lea čilgejuvvon ja buhtis,
du bálvaleddji ráhkista dan.

Sál 119: 124–125, 132–133, 135, 140

Uhca gudni

Gudni Áhččái ja Bárdnái
ja Bassi Vuignii,

nugo lei álggus, dál lea ja álo
agálašvuodas agálašvuhtii. Ámen.

Antifona geardduhuvvo.

6. Hearrá, árpmit (Kyrie)

MOLSSAEAKTU A

Kyrie-litania

Kyrie–litania sáhhtá lávlut dahje lohkat.

Eará kyrie–litaniat ja litania–nuohtat lpmilbálvalusaid girjjis.

- O** Rohkadallot Hearrá,
guhte attii callima,
ahte son dorjjošii min fámuinis.
[Rohkadallot Hearrá.]
- S** Hearrá, árpmit min. [Kristus, árpmit min. Hearrá, árpmit min.]
- O** Rohkadallot Hearrá,
guhte vuolggahii Kristusa,
ahte son gárvvohivččii min árpmuinis.
[Rohkadallot Hearrá.]
- S** Hearrá, árpmit min. [Kristus, árpmit min. Hearrá, árpmit min.]
- O** Rohkadallot Hearrá,
guhte golggahii Vuoiŋgas,
ahte son ráhkkanahhtášii min attáldagaidisguin.
[Rohkadallot Hearrá.]
- S** Hearrá, árpmit min. [Kristus, árpmit min. Hearrá, árpmit min.]

MOLSSAEAKTU Á

Hearrá, árpmit

- S** Hearrá, árpmit min.
Kristus, árpmit min.
Hearrá, árpmit min.

*7. Gudni (Gloria) ja giittossálbma Bassi Golbmaoktavuhtii

Gudni ja giittossálbma Bassi Golbmaoktavuhtii gahččá eret fástoáigge (gutnagaskavahku rájes) ja adveantaáigge (vuossárgga rájes 1. adveantasotnabeivvi maŋŋá).

Gudni

Nuohttaráidu 1



O Ip - mi-lii leh - kos gud - ni al - la - ga - sas.

DAHJE

Nuohttaráidu 2



O Ip - mi - lii leh - kos gud - ni al - la - ga - sas.

S eatnama alde ráfi olbmuide, geaid Ipmil árpmiha.

Giittossálbma

Giittossálbman sáhtá geavahit čuovvovaš Bassi Golbmaoktavuhtii oamastuvvon sálmmaid: 11:2,3,5, 17:4, 51, 71, 72, 136:7, 236, 395, 396 ja 424.

8. Beivvi rohkos

Sáhtá geavahit maiddái girkojagi čuovvu beivvi rohkosa.

Rohkosávžžuhusa ja searvegotti ámena lea vejolaš lávlut dahje lohkat (nuohat Ipmilbálvalusaid girjjis).

Ávžžuhusa maŋŋá sáhtá leat oanehis jaskes rohkos.


Nuohttaráidu 1



L Roh - ka - dal - lot.

DAHJE

Nuohttaráidu 2



L Roh - ka - dal - lot.

1. Almmálaš Áhčči.

Mii giitit du das, ahte don gulat álbmogat rohkosa
ja vuolggahat odda bargiid lájuidasat.

Atte bálvaledjiidasat gillilvuoda ja fámu,
nu ahte sii giitevaš váimmuin sáhtášedje bálvalit du ja lagamuččaid.
Gula min Bártnát Jesusa Kristusa bokte.

2. Buotveagalaš Ipmil.

Buot áiggiid don gohčut girkot bargui olbmuid,
gudet bálvalit dan du addin ármoattáldagaiguin.

Várjal bálvaledjiidat oskkus ja ráhkisvuodas
ja divtte sin barggu guoddit valjugas šattu.

Gula min Bártnát Jesusa Kristusa dihtii.

Nuohttaráidu 1



S Á - men, á - men.

DAHJE

Nuohttaráidu 2



S Á - men, á - men.

II Sáni

9. Vuosttas čálabihtá

Lohkkojuvvo girkojagi čuovvu vuosttas čálabihtá. Lohkanbihtá sáhtá válljet maiddái friddjat.

Lohkki almmuha čálabihtá. Searvegoddi guldala čohkut.

Vástádussániid lea vejolaš lohkat dahje lávlut (nuohat Ipmilbálvalusaid girjjis).

– čálabihtá

[**O** Dát lea Ipmila sáni.

S Ipmilii giittus.]

10. Vástádus

Vástádussan sáhtá leat biibbalsálbma, sálbma, lávlla, čuojanasmusihkka dahje jaskes mediteren.

11. Nubbi čálabihtá

Lohkkojuvvo girkojagi čuovvu nubbi čálabihtá. Lohkanbihtá sáhtá válljet maiddái friddjat.

Lohkki almmuha čálabihtá. Searvegoddi guldala čohkut.

Vástádussániid lea vejolaš lohkat dahje lávlut (nuohat Ipmilbálvalusaid girjjis).

- čálabihtá

[**O** Dát lea Ipmila sáni.

S Ipmilii giittus.]

12. Beaivvi sálbma dahje graduála (Graduale)

*13. Evangelium

Evangelium almmuhuvvo ovdamearkka dihte ná: Čuožžilehket guldalit bassi evangeliuma. Ovdal evangeliuma ja/dahje dan maŋŋá lea vejolaš lávlut halleluja. Halleluja–lávlagii, mii lea evangeliuma ovddabealde, sáhtá laktit hallelujagurgadasa (gč. Evangeliumgirji). Hallelujalávлага nuohat Ipmilbálvalusaid girjii.

Halleluja gahččá eret fástoáigge gutnagaskavahku rájes. Dalle hallelujalávлага sajis lea vejolaš geavahit sálbmadajaldaga (gč. Evangeliumgirji).

Vástádussániid lea vejolaš lohkat dahje lávlut (nuohat Ipmilbálvalusaid girjii).

- evangelium

[**L** Dát lea bassi evangelium.

S Rámádus dutnje, Kristus.]

14. Sálbma

Sálmma sajis sáhtá leat eará musihkka.

15. Sárdni

III Bargui buressivdnideapme

Ovdal buressivdnideame sáhtá lávlut sálmma dahje čuojahit eará musihkka, man áigge liturga, veahkit ja buressivdnádusa oazžut sirdásit áltára gurrii. Veahkeheaddjit čužžot goabbatge bealde liturgga, buressivdnádusa oazžu áltára ovdas.

*16. Oskudovddastus (Credo)

Oskudovddastus lohkkovuvvo ovtta jitnii.

L Dovddastehket dál oskodet ovttas searvegottiin.

S Mun oskkun Ipmilii, Áhččái, Buotveagalažžii,
almmi ja eatnama Sivdnideaddjái,

ja Jesusii Kristusii,

Ipmila áidnoriegádan Bárdnái, min Hearrái,

guhte sahkanii Bassi Vuoiŋŋas,

riegádii nieida Márjjás,

gillái Pontius Pilatusa áigge,
russiinávlejuvvui, jámii ja hávdáduvvui,
manai vuolás jábmiid riikii,
bajásčuožžilii jábmiid luhtte goalmmát beaivve,
manai bajás albmái,
čohkká Ipmila, buotveagalaš Áhči, olgeš gieda bealde,
ja bohtá fas doppe dubmet calliid ja jábmiid,
ja Bassi Vuignii,
bassi oktasaš girku,
bassi olbmuid searvivuoda,
suttuid ándagassii addojumi,
oačči bajásčuožžileame
ja agálaš callima.

17. Ávžžuhus

L Ipmil addos didjiide árpmus, vai bissubehtet oskkus, maid lehpēt dovd-
dastan, ja bálvalehpēt searvegotti rievttuid ja oskkáldasat.

18. Buressivdnideapme

MOLSSAEAKTU A

Molssaeaktu A geavahuvvo buressivdnidettiin searvegotti fásta bargiid.

Ovdal buressivdnideame veahkit sáhttet lohkat biibbaldeavsttaid.

Buressivdnádusa oažžut luoitádit čippiideaset ala. Liturga ja veahkit bidjet giedaideaset sierra juohkeovtta oaivvi ala.

L Buressivdnidehkos du golbmaoktalaš Ipmil, Áhčči ja Bárdni ja Bassi
Vuoigŋa, ja basuhehkos du bálvalit Kristusa girku dán searvegottis.

Buressivdniduvvon bargit čuožžilit.

L Ráhkis kristtalaččat. Dát oappáideamet ja vieljaideamet leat bures-
sivdniduvvon – – . Doarjot sin sin bargguin ja guoddet sin rohko-
siinnádet Ipmila ovdii.

MOLSSAEAKTU Á

Molssaeaktu Á geavahuvvo friddjadáhtolaš bargiid ja luohttámušolbmuid buressivdnidettiin.

Buressivdnádusa oažžut luoitádit čippiideaset ala.

L Hearrámet Jesusa Kristusa árbmu, Ipmila ráhkisvuohta ja Bassi Vuoiŋŋa oasálašvuohta lehkos duinna.

Buressivdniduvvon bargit čuožžilit.

19. Bargui vuolggageapme

L Jesus cealká: ” Juos guhtege dáhttu bálvalit mu, de čuvvos mu. (Joh 12: 26)
Mannet ráfis ja bálvalehket Hearrá iluin.

Liturga, veahkit ja buressivdniduvvon bargit máhcet sadjáseaset.

20. Sálbma

Sálmma sajis sáhtá leat eará musihkka.

21. Oktasaš ovddasrohkos

Ovddasrohkosa ollašuhttimis gč. Ipmilbálvalusaid girji.

Ovddasrohkosi laktojuvvo miinu čuoovvovaš rohkosiin:

Diakonissa dahje diakona virgái buressivdnidettiin.

Mii rohkadallat du bálvaleaddját NN ovddas, guhte lea odne buressivdniduvvon min searvegotti diakonissa/diakona virgái. Veahket su sániiguin ja daguiguin duodaštit dus. Divtte su doaimma leat joatkkan ipmilbálvalussii min árgabeai eallimis. Atte sutnje čehppodaga ja gillilvuoda daidda bargguide, maid don sutnje čujuhat. Daga sus ráfát ja ráhkisvuodat gaskaoami. Jálosmahte su bálvalit olbmuid sin vátisvuodain ja nanne su, go váibasat vigget nuondadit su. Veahket searvegoddelaččaid deaividit su rabas ja ráhkislaš mielain. Buressivdnit maiddái su lagažiid. Deavdde su ráfiinat ja oro suinna juohke beaivve.

Kántora virgái buressivdnidettiin.

Mii rohkadallat du bálvaleaddját NN ovddas, guhte odne lea buressivdniduvvon searvegoddámet kántora virgái. Veahket su dikšut dán barggu čehpet ja gillilit. Veahket su sániiguin ja šuoŋaiguin gulahit du árpmu ja gohččut olbmuid searvat illui ja rámmádušii. Veahket searvegotti olbmuid deaivdit su rahpasit ja ráhkisvuodain. Nanne su, go váibasat deddet su. Buressivdnit maiddáai su lagažiid. Deavdde su ráfiinat ja oro suinna juohke beaivve.

Nuoraidbargi buressivdnidettiin.

Mii rohkadallat du bálvaleaddját NN ovddas, guhte odne lea buressivdniduvvon searvegoddámet nuoraidbargi virgái. Atte sutnje viisodaga, fámu ja čehppodaga doaibmat mánáiguin ja nuoraiguin. Veahket searvegotti olbmuid deaivdit su rahpasit ja ráhkisvuodain. Nanne su, go váibasat deddet su. Buressivdnit maiddáai su lagažiid. Deavdde su ráfiinat ja oro suinna juohke beaivve.

Searvegotti eará bargiid buressivdnidettiin.

Mii rohkadallat du bálvaleaddját NN ovddas, guhte lea váldán vuostái searvegoddámet – –virggi / barggu. Deavdde su Bassi Vuoiŋŋainat ja atte sutnje viisodaga, fámu ja čehppodaga doaibmat dán virggis /barggus searvegottát buorin. Veahket su bissut sánistat, bargat barggus iluin ja oskkildit álo dutnje. Buressivdnit maiddáai su lagažiid.

Luohtámušolbmuid buressivdnidettiin.

Buotveagalaš, oskkáldas Ipmil. Sániinat ja Vuoiŋŋainat don čohkket du girku. Daga das oskku, doavvu ja ráhkisvuoda servodaga. Buressivdnit searvegoddámet luohtámušolbmuid. Láide sin Bassi Vuoiŋŋainat, go sii váldet ovddasvástádusa searvegottisteamet. Atte sidjiide viisodaga dikšut rievttuid searvegoddámet oktasaš áššiid. Láide min buohkaid jearrat du dáhtu čovdosiinnámet ja atte doaimmaideamet šaddat du girku buorin ja du nama gudnin.

Nuoraid ja friddjadáhtolaččaid buressivdnidettiin.

Giitu das, ahte ii oktage leat menddo nuorra du sáni duodašteaddjin. Mii rohkadallat sin ovddas, gudet leat gohččojuvvon fárrui váldit ovddasvástádusa searvegoddámet rihppaskuvlabarggus / nuoraidbarggus. Atte sidjiide viisodaga ja fámu, vai sii iluin ja roahkka sáhttet doarjut iežaset joavkku doaimma. Veahket sin dán barggus rávámuvvat oskkus ja ráhkisvuodas.

Mánnga searvegotti bargi ja friddjadáhtolaččaid buressivdnidettiin.

Buotveagalaš Ipmil. Mii giitit das, ahte mii oažžut bálvalit du ja searvegottát daid attáldagaiguin, maid leat midjiide addán. Mii rohkadallat du: Buressivdnit bálvaleaddjiidat, geaid leat gohččon bargui searvegottistat. Atte sidjiide Bassi Vuoiŋnat ja veahket sin doaibmat namat gudnin ja searvegottát buorrin. Veahket sin bissut sánistat, bargat bargguset iluin ja oskkildit álo dutnje. Buressivdnit maiddái sin lagažiid.

IV Eahkedaččat


22. Oaffarsálbma dahje offertorio (Offertorium)

Sálmma áigge čoggojuvvo kolleakta ja eahkedaččat lágiduvvojit áltárbeavdá. Ovdalaš sálmma almmuhuvvo, masa kolleakta čoggojuvvo. Sálmma sajis sáhtá leat goarralávlun dahje čuojanasmusihkka. Kolleavtta lea vejolaš buressivdnidit.

23. Eahkedašrohkos (Eukaristalaš rohkos)

Vuorrolávlla

Nuohttaráidu 1





S Nu son leh - kos maid - dái du vuoij - ñain.



L Ba - ji - deh - ket váim - mui - deat - tet.



S Ba - ji - dit dan Hear - rá guv - lui.




L Gii - ta - leh - kot Hear - rá, Ip - mi - lea - met.



S Nu lea duo - daid - ge vuoigat ja doh - ká - laš.

DAHJE


Nuohttaráidu 2



L Hear - rá leh - kos din - guin.




S Nu son leh - kos maid - dái du vuoij - ñain.



L Ba - ji - deh - ket váim - mui - deat - tet.



S Ba - ji - dit dan Hear - rá guv - lui.



L Gii - ta - leh - kot Hear - rá, Ip - mi - lea - met.



S Nu lea duo - daid - ge doh - ká - laš ja vuoigat.

Prefašuvdna

Prefašuvnna lea vejolaš lávlut dahje lohkat. Prefašuvnna nuohtta Ipmilbálvalusaid girjjis.

Prefašuvnna álgu

L Duodaid lea riehta ja árvvolaš, ahte mii giitit du álo ja juohke sajis, bassi Hearrá, buotveagalaš Áhčči, agálaš Ipmil, Jesusa Kristusa, min Hearrá bokte.

Prefašuvnna loahppa

Sus don leat čájehan ráhkisvuodat ja šearratvuodat.

Don vuolgahat ain searvegoddái bálvaleaddjiid ráhkisvuoda bargui, vai du girku sáhtášii gulahit du stuorra daguid birra.

Mii giitit du dán almmálaš attáldagas

ja lávlut dutnje rávádusa engeliiguin ja buot basiiguin:

* Bassi (Sanctus)

Searvegoddi sáhtá čuožžut Bassi–hymna rájes Ipmila Láppis –hymna rádjai.

S Bassi, bassi, bassi Hearrá Sebaot!

Albmi ja eana dievva lea du šearratvuodainat.

Hosianna allagasas!

Sivdniduvvon lehkos son, guhte bohtá Hearrá nammii.

Hosianna allagasas!

Rohkos ja ásahansánit

Bassi Áhčči. Oppa luondduriika máidnu du, buot eallima addi. Don it hilgon sivdnádusaidat suttu ja jápmima válldi vuollái, muhto sáddejit du áidna Bártni olmmožin, vai son beasttášii min. Mii giitit du dan lonástusas, man don leat válmmaštan midjiide su dievaslaš oaffariin ruossa alde. Son mávssii min vealggi ja dagai ráfi duinna ja minguin.

*Hearrámet Jesus Kristus, dan ija go son behttojuvvui,
válldii láibbi, buressivdnidii (+) ja doadjalii dan,
attii máhttájeaddjiidasas ja celkkii:
Váldet ja borret. Dát lea mu rumaš,*

mii addojuvvo din ovddas.

Dahket dan mu muitun.

Nu son válddii maiddái geara, giittii (+) ja celkkii:

Juhket dás buohkat.

Dát gearra lea odđa lihttu mu varas,

mii golggahuvvo din ovddas

suttuid ándagassii addojupmin.

Nu dávjá go dii das juhkabehtet,

dahket dan mu muitun.

Mii ávvudit buot das, maid Bárdnát lea min ovddas dahkan, ja doallat dáid bassi mállásiid, main mii beassat oasálažžan lonástusa čiegusvuodas. Mii muittašit su jápmima, bajásčuožžileame ja albmáimannama. Mii vuordit su máhccama šearratvuodas.

[**S** Mii gulahit su jápmima.

Mii duodaštit su bajásčuožžileame.

Mii vuordit su boahtima iežas gudniin.]

Sádde du Bassi Vuoiŋŋa buressivdnidit min, vai válddášeimmet oskkus vuostá du Bártni rupmaša ja vara. Ovttastahte min sutnje ja nuppiidasamet. Veahket min oaffaruššat iežamet ealli oaffarin Kristusis, dutnje giittusin ja gudnin.

Su bokte, suinna ja sus

gullá dutnje, buotveagalaš Áhčči

Bassi Vuoiŋŋa oktavuodas

gudni ja šearratvuohtha álo ja agálaččat.

S Ámen.

24. Áhččámet (Pater noster)

Herrá rohkos celkojuvvo ovttá jittii.

S Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beaivválaš láibbi.

Ja atte midjiide min sudduid ándagassii,

nugo miige ándagassii addit velggolaččaidasamet.

Alege doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

25. Herrá ráfi (Pax)

Vuorrolávлага манҕа леа vejolaš ávžžuhit ráfi sávaldahkii. Searvegotte olbmot buorástahttet nuppiideaset ja celket ovdamearkka dihte: Kristusa ráfi dahje Ipmila ráfi.

Nuohttaráidu 1




L Hear - rá rá - fi leh-kos din - guin.



S Nu son leh-kos maid-dái du vuoij - ǰain.

DAHJE

Nuohttaráidu 2



L Hear - rá rá - fi leh - kos din - guin.



S Nu son leh-kos maid - dái du vuoij - ñain.

*26. Ipmila Láppis (Agnus Dei)

Liturga sáhtá doadjit eahkedašláibbi Ipmila Láppis –hymna áigge.

S Ipmila Láppis don, guhte guottát máilmmi suttu,
árpmit min, árpmit.

Ipmila Láppis don, guhte guottát máilmmi suttu,
árpmit min, árpmit.

Ipmila Láppis don, guhte guottát máilmmi suttu,
atte midjiide ráfi.

27. Eahkedaččaid juohkin

Eahkedašbovdehus

L Ávdugasat sii geat leat bovdejuvvon Lábbá headjamállásiidda.
Bohtet, buot lea juo válmmaštuvvon.

DAHJE

L Jesus cealká: ”Bohtet mu lusa,
buohkat geat rahčabehtet ja guoddibehtet lossa nodiid,
de attán didjiide vuoijñadusa.”

DAHJE

L Bohtet, váldet vuostái Kristusa rupmaša.
Bohtet, juhket jápmemeahtunvuoda ádjagis.

Eahkedaččat (Communio)

Eahkedaččaid juogadeame áigge sáhtá leat sálbmalávlun dahje eará musihkka.

Láibbi juogadettiin celkojuvvo:

[Min Hearrá Jesusa] Kristusa rumaš, du ovddas addojuvvon.

Rihppaguossi sáhtá vástidit: Ámen.

Viinni juogadettiin celkojuvvo:

[Min Hearrá Jesusa] Kristusa varra, du ovddas golggahuvvon.

Rihppaguossi sáhtá vástidit: Ámen.

Loahpahansánit

Loahpahansániid maŋŋá eahkedašlihtit gokčojuvvojit [ja sirdojuvvojit veahkkebeavddi ala]. Ovdal giittosrohkos (čuokkis 25) sáhtá leat jaskes boddu.

L Mii leat vuostáiváldán Hearrá Jesusa Kristusa.

Várjalehkos son min agálaš callimii.

S Ámen.

DAHJE

L Min Hearrá Jesusa Kristusa rumaš ja varra
vurkejehkos oppa min vuoiŋŋa, sielu ja rupmaša
agálaš callimii.

S Ámen.

28. Giittosrohkos

Rohkosávžžuhusa, rohkosa ja searvegotti ámena lea vejolaš lávlut dahje lohkat.

Giittosrohkosin lea vejolaš geavahit maiddái sálmma (omd. 61:1, 62, 63, 65:1–2 ja 409:6–7).


Eará giittosrohkosat lpmilbálvalusaid girjjis.

Nuohttaráidu 1

L Roh - ka - dal - lot.

DAHJE

Nuohttaráidu 2



Almmálaš Áhčči, mii giitit du eahkedaččaid attáldagas,
mainna don nannet min oskku dutnje.
Mii giitit du Bassi Vuoiŋŋat ovddas,
man don attát midjiide barguidasamet girkus ja máilmmis.
Giitu ahte vuolggahat bargiid lájuidasat.
Divtte soabahusa sága sárdniduvvot juohke guovllus.
Divtte min beassat oktii du riikka hearvasvuhtii.
Dán mii bivdit Bárnát Jesusa Kristusa dihtii.

Nuohttaráidu 1



DAHJE

Nuohttaráidu 2



V Loahpaheapme

29. Máidnun

Máidnumin lea vejolaš geavahit maiddái sálmma (omd. 77:4, 118:1–2, 306, 424:3–4 ja 467:7–10).

Benedicamus

Nuohttaráidu 1



O Gii - ta - leh - kot Hear - rá!

DAHJE

Nuohttaráidu 1



O Gii - ta - leh - kot Hear - rá!

***S** Ipmilii giittus. Halleluja!

Fástoáigge gutnagaskavahku rájes:

***S** Ipmilii giittus. Ámen.

*30. Buressivdnáduš

L Hearrá buressivdnidivččii din ja várjalivččii din.

Hearrá čuvgešii muođuidis didjiide

ja livččii didjiide árbmugas.

Hearrá jorgalivččii muođuidis din beallái

ja attášii didjiide ráfi.

Áhči ja + Bártni ja Bassi Vuoiŋŋa nammii.

S Ámen.

Vuolggaheapme

Ávžžuhus celkojuvvo aiddo ovdalaš vuolgima.

L/O Mannet ráfis ja bálvolehket Hearrá iluin.

31. Loahpahanmusihkka

Loahpahanmusihkkan sáhtta leat sálbma, goarralávlla dahje čuojanasmusihkka.

Musihka áigge ruossamieduš máhccá boahtrinortnegis. Searvegoddi sáhtta searvat mihtošii.